



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Canonicorum Regularium Ordinis S. Augustini Origines ac
Progressus, Per Italiam, Hispaniam, Galliam, Germaniam,
Belgium, aliasque orbis Christiani provincias**

Le Mire, Aubert

Coloniae Agrippinae, 1614

Capvt XXVII. Chiemseense Monasterium monialium, Germanicè
Frawenwort.

urn:nbn:de:hbz:466:1-11321

Auentinus in Annalibus ita ponit: *In Norico Conradus, Innauia Episcopus, & Abenspergensis familia oriundus, Chiminum templum olim à Thessalono, secundo Duce Bauariae D. Benedicto conditum, ab Vgris ad egestatem redactum, monachis Augustinianis tradit, &c hoc est, Canonici Regularibus ordinis S. Augustini.* Sic Hundius ex Auentino, & alijs.

CAPVT XXVII.

CHIEMSEENSE MONASTERIUM
monialium, Germanicè *Frauenwort.*

DE huius monasterij fundatione ac progressu, plenè constat ex Henrici IV. Imp. diplomate. *In nomine Sanctæ & indiuiduæ Trinitatis, Henricus diuina fauente clemētia Rex. Ad notitiā, ad memoriā, ad fidem rerū, & firmentum omne scribitur testamentum, sub qua ratione & hoc scribi, sed vnde & quare iusserimus, notum facimus omnibus Christi fidelibus; in quo dum cautiùs perspeximus, dum diligentius consulimus, eandem rem (res enim alta est) longè suprā repetere volumus. Ad solam Dei gloriam & laudem, ob salutem animæ, ob remedium peccatorum suorum, Thessalo Rex Chiemensem substituit & fundauit Ecclesiam. Substituit, inquam, & prædijs his dotauit, Euenhausen, Leuchtental, Schonsteten, Tegingen, Sapienzmunster, Puech, Fraunhouen, Hofhaim,*

haim, Fridefingen, Fraundorf, Palcheigen. His ut dictum est, dotavit, alijsq; pluribus. Dotavit & perfectissimam libertatem digna & religiosa institutione, cum iudicio in insula sua qua Nunnuert dicitur, & in omnibus Hofmarchis suis rite & legitime habendo, sicut aliud regale cœnobium tenetur, liberè & principaliter eidem Ecclesie tradidit, & solis tantum Regibus in tutelam & patrocinatum decrevit. In hac libertate ad Carolum vsque Regem successorem suum pervenit, à Carolo vsque ad Ludouicum Regem, qui ob eiusdē Ecclesie, quam sibi præ ceteris habuit specialem, filiam suam Irmgardam ibidem præfecit Abbatissam. A Ludouico autem ad Henricum, qui quoq; sororem suam Geruirgam constituit Abatissam, ob loci nobilitatem & religionem. Ea, ut diximus, libertate à Rege ad Regem descendit & vsque ad nos eandem libertatem habuit & pertulit, & ut hac perfectissima regalis libertas, quam ab auctore suo Tessalone Rege accepit, firma & inconuulsa omni ævo permaneat, hanc chartam conscribi iussimus, & propria manu, ut infra videtur, corroborauimus, nostroq; sigillo insignitam omnibus seculis, ut hac sciant & reddant, relinquimus.

Signum Henrici quarti Regis inuictissimi Gebhardus Cancellarius recognoui, anno incarnationis Dominice M. LX XV II. indictione prima, anno 1077. autem Domini Henrici Regis quarti inuictissimi ordinationis 24. regni 22. Ratisbona actum feliciter.

G

Hen-

Henricus S. imperator Chiemenſibus virginibus Gerbirgam ſororem, Patauienſibus Helican amitam præfecit: Auentino teſte.

CAPVT. XXVIII.

RANSHOVIENSE MONASTERIVM
in Bauaria.

ARnolphus Imp. filius Carolomanni Regis Bauariæ & Italiæ, ædiculam ſacram, quam ad preces VVichingi Epifcopi Patauienſis, Cancellarij ſui, Chriſto Domino Deoque noſtro, & D. Pancratio à fundamentis in *Randenisdorf* ſeu Randersdorf exſtruxit, Ellenbrechto ſacerdoti committit ea lege, vt ipſe quidẽ pareret parocho Oetingenſi; at poſt mortem eiufdem, ſacellum in Rãdersdorff foret ſub ditione templi Oeteingenſium, vbi brachium S. Philippi Apoſtoli reconditum reſeruabatur, & pater imperatoris Arnolphi Carolamannus Rex Boiorũ & Italiæ ſepultus eſt. Exſtat diploma Arnolphi, datum anno 898. anno II. regni, imperij autem III. Sequenti quoque anno, hoc eſt, 898. anno 899. idem imperator Arnolphus duo agri iugera orientem verſus, viginti carrucas foeni, molã aquariam in ripa fõtis, qui ex cliuo, cognomine Prylo erumpit, tantum lignõrum quantum opus eſt & foco & ædificijs